

Jam demum ob insignes, quibus sanitatem promovet, doctes, dignis maectatur laudibus, immortalis avorum odio emersa. Ea enim verum chyli fermentale condimentum nobilissimum, toti que corpori ad omnis generis corruptelas atendas concessum balsamum. Eam quoque cum turguriolo, quo hospitatur, consideratione nostrâ dignabimur. Diversorium ejus communiter vocatur.

I. *Vesicula fellea*, κύστις χοληδόχου, χωρίον ἐπὶ τῷ ἥπατι Hippocrati. Habet annexum porum choledochum meatumq; hepaticum. Duplex hæc cystis fuit observata, teste Riolano.

II. *SITUS vesiculae*: Supposita est ea hepatis, ejusque lobo majori versus partem inferiorem affixa, & media sui parte veluti immersa, extra parenchyma jecoris propendens. In hoc situ suo nonnihil communicat contactu cum ventriculo & intestino colo propè transeunti: unde hoc colore suo tingit, & ad excrementorum expulsionem proritat; istum autem dum accensa est bilis, ad vomendum excitat, adeoque calefacit, ut interdum ardorem conciliet.

Plempius vult, quod hic vesiculae situs angustus inter ventriculo, colon & jecur in causa sit, ut iis, qui ventriculo pleno ad mensam sedent, incurvatōque nonnihil corpore, legunt, scribunt, vel aliquid aliud agunt, oris amaritudinem & cordis rosionem ob vesiculam isto situ compressam incurrant: quod malum peritiores usu edocti corrigere studeant, studiisque vel stando, vel corpore minus inclinato operam navent. Verum frustraneus est iste metus, è sinistro avorum de bilis in microcosmo perniciose judicio prognatus. Natura hunc folliculum datâ operâ jecoris abscondit lobis, quò leviter tum ab iis, tum a ventriculi satiati tumore pressus bilem de promoteret, & in tempore chylo condimentum summè necessariū ad intestina ablegaret.

III. *SUBSTANTIA* ejus est membranosa in duas tunicas discreta, dividitur in fundum & cervicem. Fundus inferiora respicit, cervix superiora. Tota cystis interdum lapidescit, quod testatur Fernelius l. 6. sympt. c. 5. qui in decrepiti cujusdam senis cadavere loco vesiculae felleae lapidem invenit. In Polonia olim innumeri boves, q. exorta quadam peste interiere; in